

印

竹

杖

錢序

宋行都在臨安陳同甫訪辛稼
軒酒酣抵掌縱談東南形勝同
甫霑醉解廡中駿騎馳去不復
執別英雄聚首歷落俊邁之氣
可以想見野史流傳謂同甫把

此語爲負厚有要取此奴婢市
僧之語豈足道哉司馬德操語
龐德公妻子徐元直向云當就
我與德公談不知三人所談何
事諸葛孔明每至德公家獨拜
床下吾謂三分籌策彼三人當

促膝及之而葛生得聞其緒言
惜乎班荆畫灰之語未有能傳
之者也今年中秋栖虎丘石佛
院僧窗隱几日鈔首楞數紙吉
州施偉長不遠數千里過訪映
門闕之鬚眉落落韶人坐而與

之談知其奇讀叩竹杖數編籠
挫天地鈎索物老柳塞磊落光
怪側出則益奇退而自惟少壯
輕俠屈指三國人才洎辛陳輩
流輒掉舉思出其間今敗絮蒙
頭煨鉢折脚鐺邊偉長經奇男

子視我如雞窠中老人撫摩嘆
息不亦傷乎偉長投筆躍馬指
麾能事崎嶇嶺嶠突冒鋒刃身
世鈎鎖心跡盤互輪困離奇悉
於詩文發之越裳牂柯作我綸
邑日入之部歸日出主夫豈其

度蘭滄爲他人乎南枝北戶
于前却何其煩憂鬱紆促數
詰也巨源告我曰施偉長今之
孔北海陳龍川也余嘗謂北海
論盛孝章書援引公羊大齊桓
公之文磨切魏武異時論建漸

廣此爲質的墓門征西寢舜禹
之事文舉之功偉矣龍川之書
葉水心所謂天子使執政召問
何處下手者至今炳烺天地間
彼所論趙九齡次張之徒得其
一士可以方軌橫驚而况於同

甫乎狂鳥冠而似鳳修蛇角而
似龍士負不羈之才值捨攘之
運其與夫織兒怪魁詭銜竊轡
者誠何以異霜降水落金銷石
泐茫茫禹跡只有北海輩流俛
仰撐柱耳偉長行矣騁名驥於

修途何所不至自今以往使輜
才諷說之士謂天不足於東南
地不足於西北而私憂竊歎者
皆偉長輩之恥也虞山年家蒙

來序

杜少陵縱橫風雅中每每自許
稷契然究之僅存忠君愛國之
心耳諸葛孔明自比管樂時人
猶未之許至草廬一對指天下
大勢於掌訖於鞠躬盡瘁身無

餘財以報陛下閱八陣之圖讀
出師之表管樂安能望其項背
哉宋儒于三代以下人不多心
折而特推孔明王佐之材乃當
日自况抑何近且卑也蓋少陵
僅託諸空言故視古今人品爲

最易孔明必欲見諸行事故視
古今人品爲最難卒瘖拮据與
口吟舌美者未可同年而語近
自滄桑以來凡其委頓憔悴于
籬落間者律絕數通箋楮半幅
輒復高聲賣美位置其身于陶

元亮謝臯羽之上試問其果能
盡空利祿憤世絕俗而振衣千
仞濯足萬里乎吾知其必不能
也施子偉長蟬蛻簪笏上馬殺
賊下馬草檄顛沛困躓忠愛勃
窳凡所見諸行事者銖而兩之

自當伯仲卧龍顧錢牧齋先生
贈言舉陳同甫辛稼軒以相倫
擬豈先生非一代冰鑑耶相馬
以骨相龍以睛相士以真其能
爲陳同甫辛稼軒者必其能爲
孔明而有餘者也其不能爲陶

元亮謝臯羽者必其欲爲少陵
而不足者也施子推倒一世開
拓萬古而一本之澹泊寧靜其
所論著與所哦咏若滅若沒若
斷若續沈石之火埋劍之光國
風小雅可謂兼之是將奴僕命

騷而施子謙謙若不勝者此施
子之所以不可測也西陵社弟
來集之題

文序

昔鄭泉畢卓皆願美酒滿五百
斛船以四時甘脆置兩頭便足
了一生王無功爲三升醞肯戀
太常陶元亮意五百畝種秫乃
就彭澤古人一官遊戲想亦不

得辟此物耳陶空視時運傾固
不忘長沙逸氣王樹樹秋色山
山落暉視河汾門多將相漠如
也官旋唾棄大放于醉鄉者豈
好誕也哉吉州施君偉長少讀
等身書鬚眉如畫壯行萬里馬

上磨盾鼻草露布好多以暇裒
然成書文情秀媚若太平時五
陵貴介折節四門鬪慧而爭妍
者何韻甚也近辭官客吳越益
放于詩詩律甚細五十年来老
眼中未見茲人人物志不云乎

質素平澹中叡外朗筋勁植固
聲清色悻儀正容直九徵皆至
則純粹之德也以相偉長未獲
闕一三辰不軌拔士爲相固其
當也乃崎嶇嶠南狎嘲營道卒
不拔起令寂寂笑人何哉雖然

俊鶻一擊不中終身息機桓公
蒲博不必得則不爲差強人意
若雞肋卜去取殆奴命魏武矣
偉長視一官如蟻穴放懷天地
獨不忘酒旅次卽無與飲者孤
影拊雅怡然自得冲量深情有

不可以涯涘者霜寒葉落老友
幾何吳大武曰公績亡者已矣
苟卿尚在何患無人余願偉長
善自愛也諸公品目或比之孔
融陳亮或比之劉蛻孫樵人文
分藻故差互爾君家希聖隱洪

州西山有西山集十卷西山亦
王績陶潛之所流連致嘅也乃
若宜生啣命睠懷故都北風示
警真不辜三十二熊賦矣繇斯
以言偉長似續宗英雖坐中書
堂可也何薄監司而換醉告身

哉然使果致酒五百斛船九江
抱關吏定權其半叩竹杖將如
之何柴桑社弟文德翼譔

李序

曩余視學江表每退食之暇傅
平叔爲余譚偉長施子事甚悉
大約跼蹐不羈挾奇氣好侗儻
畫策酒酣掀髯放筆千言一劔
橫南北萬里如籬落間也余壯

而領之私冀幸與之同時或歧
得一盼賞譽寧後平叔迄丁酉
余兩試竣事偉長乃訪余于句
曲其相愜之殷而相遇之晚也
若此彼豈真以冠惠文者槩不
可親乎哉平叔告余曰偉長用

世非逃世者干將之器無所施
牙折幢摧孤藤肆眺名山通邑
大都俱徧而不輕資貴遊之口
不輕拾寒峻之唾所著叩竹杖
數卷斑斑可攷余請而卒業文
果鄜氏之簡峭柳州之奧折詩

則昌黎盤冓而義山僻隱兼也
此皮相者人盡知之至繁稱曲
引喻旨千門雲變霞蒸拳幅百
轉如精鏐如練絲被體適用偉
長蓋自爲偉長之詩自爲偉長
之文同堂親炙尚爾河漢况千

百世以後讀書之人空乎其子
影獨行笑啼無端似今之冠惠
文者真不可親而海內之吟壇
建鼓坐棋子方褥聲利滑澤不
覺其蹶然哂啞然失笑也余固
樂梓而行之一以徵平叔之取

友而益信余鄉人士卓爾不羣
綽有古先哲民之遺若偉長者
固自有在又何須此煙煤數點
爲左券耶臨汝年家弟李來泰
撰

徐序

徐子曰著書其難言乎能使人
讀而思庶可期傳也已夫性情
之變固有數焉同相安異相感
物之情也安靜則忘感動流極
性情之數也習聞習見情未由

生境異則必有所感感而能言
聽聞亦動由是作者之哀樂與
人世相動於無已焉離騷荒忽
託始遠遊酈元注水經歸自徧
涉寫極幽曠斯非古人性情之
符哉施子偉長叩竹杖數卷雖

徽寓隨筆然峒陬風土物產氣
候名賢沿革畧具矣蛻與樵與
笠澤之錦鶴林之露讀之使人
如同在天涯邈焉有故國故都
之感間之以已詩及友人詩又
若孤遊遠望嗚嗚然倚簾篷爲

節拍者秋猿春鶻不足爲其音也。因念童時侈騶子所言閔大妄意安得游四海外盡覽環瀛時時有乘雲氣騎飛龍之思。及與西洋士游聽其談所經過諸國乃與中土無大殊輒復意沮。

今施子敘說幅內宦隩間已能
動人顏魄若是是昔唐蒙張騫
輩所以啟人主夸心者夫一叩
竹杖也孝武區區爲是物與蒟
醬因緣多事至欲開西南以八
校尉之力勤師數年僅通通道

乃余又怪張騫抵絕國數十唐
蒙亦僅得穆王轍跡所未知顧
亡片言紀示來者偉長僑居乃
今以此坐致千古偉長所就視
前人爲殊汰矣新建盟社弟徐
世溥巨源題

自弁

都麗之嶠。俗率剗巨木爲槽。雜擊黍稻。曰春堂。槽列十餘杵。男女互操。敲磕槽舷。遍拍有節。唐劉恂曰。秋碓之妻。思婦之巧。不足。以諭其瀏亮。木聲之感人。若

此况羈子寄公。隻筇单影。鷓首
馬頭。不得其平而鳴者乎。蘇端
明云。菊花開時。乃重陽涼天。佳
月卽中秋。詩腸鼓吹。俗情鍼砭。
山川風土。踰雙柑黃鸝多矣。存
爲發粲。都麗。酈注作部龍吉水。

施男

自弁

卷之一

二

印竹杖

目次

犵獐風俗

發周桓伯山庄

夷險苓通

哢笑各人難

天鳥又哢春

桃金娘

相思江五日

生綃幽風圖

相思埭

維洛浦

簡舊簾懷劉無文

楊用修

平泉記

高崑

奏箋四絕

方棠陵

僧圃

象州岩石

去婦詞

有所思

舟夜

舟曉

來賓口號

都泥江

陶企生

李依江

畚寮

江漲

石牛墟口號

寶元西事

搗岩石

古漏泉

東劉州牧

馬風篁

君臣魚藻

賣冰謠

譚友夏

七月七日

初八日丁亥

叩竹杖

吉水施 男偉長著

新建徐世溥巨源閱

犵獠風俗

壬辰佛度日巳酉宿桂林之龍塘村落雜犵獠而居蠻習澆除未盡室女字人前三日或七日五日必飾衣裙簪珥貧者襤褸富者間範五金雜組綵兩足率裸不借端坐持幌便面口喃喃

叩竹杖

卷之一

留髡堂

挾兩嫗及一二女童短長和歌。戚好鄰近觀者如堵。謂之哭威。比詢土人。大都骨肉分割。闡嘗瑣細詞耳。如一隻盞子白皚皚。爺在南寧帶下來兒。也不願爺斟千杯酒。願只願爺送我一程。回娘。隅缺舌真堪發噓。然聲教之漸被者遠矣。

發周桓伯山庄

十九日庚申發周桓伯山居賦五言二律時桓
伯吉席未久烏蠻雖瘴癘宜土便成春嶺疊雲
迴合溪愚俗樸淳催畊百舌雨展釣八蠶綸高
閣鴛棲好夢回知幾巡五月榴花雨輕勻分外
明烟樓開水樹石壁長荃蘅短笛前村意繁簫
後夜情回看雙鬢絕無厭酒杯傾覺風刺撩人

夷險苓通

長慶中李濬之泐除桂林表吳武陵爲倅故事
副車之任具橐韃通謝後宴球場吳前致詞云
奉約遊山水奈何以紅帛繫余首李濟南督學
陝西制使殷偶有屬筆移檄迫促于鱗請曰臺
下但以一介命或赤蹠來鮮不成者殷起謝過
久之復移檄如故濟南恚曰渠以我重去官耶
具疏乞休不待報歸忤雄心而動義槩北海正

平坐此顛隳。今則不然。祖帳青詞。臂鏹而索數。
闔策枚。汗浹難免。意氣還從我輩生。功名且付。
兒曹立。難乎其爲言矣。百年如秋蒂。榮落各匆。
匆。所期在玄邈。疇問扛鼎雄。天心眷梁肉。壯士。
薄雕蟲。已斲柯亭竹。難灰爨下桐。修矛嫺罄折。
鼓篋迷冲融。舞馬睛殊眩。鬪牛聽不聰。平生湖。
海志。夷險付苓通。廿三日。

啼笑各人難

趙國子人日投余，有往事已。渾江上夢故園，何
用隴西慙。余酬以屨氣，初經潮島夢。葭灰莫洗
地天慙，又何叔鑑亂全。妻子誠難事，恩到鬚眉
豈等閒。余次以舉皆簪，誓誰爲辱饒。博鬚眉好
是閒，或云慙與閒。顧廓矣，然俱柱下言。吾有大
患爲有吾身，因誦僧行遠。死生今日易，啼笑各
人難。句愴爲書此，雙眸癡淚絕。歌嘯強爲歡，漏

急鐘初寂冰煩爲不寬。三呼警起易七日哭秦。
難束蘊非因火冬青樹尚寒。二十五夜。

天鳥又啼春

士大夫家子弟，騃癡可療，惟強作解人，不可療。是月丁卯，余僦宿杯渡精舍，僧固貫休自居者，而更牛耳檀那某甲，余惑焉。比接兇觥獻酬耳，熱膽決誦其夙構千百餘言，聞者昏昏幾欲睡去。而當時品藻，率巨手鴻裁，極爲推轂，不識何解。平山堂宴，夫鳥啼春不避人，質明，余酬以一絕。東山捉鼻強遵巡，獻策龍門亦隱淪。日色高

春清夢曉不勝天鳥又啼春時某自比安石著
述彷彿元經故及之

桃金娘

廿九日庚午微風纖雨，艸溼林疎，筍輿渡高橋，
六七里道旁花爛熳，叢開瓣似梅，而末微銳，似
桃而色更殷，厚質艷章，肥澤娟便，中莖純紫，絲
絲亭亭，秒綴深黃，如金粟，如小璣，又如安石榴
心初放吐葩時者，里人率呼爲桃金娘，實熟于
八九月，青紺若牛乳，味甘，嶠南稻多晚登，此稔
則新穀方升，市肆鄉落習而啖之，宜也。或曰逃

軍糧。語音訛前名。謫遣鍵樞之地。投荒者瓶鮮
儲粒。望之占歲。容或有之。但其葉麤膚。幹亦不
甚妍秀。南中士大夫。若移植一本。假山亭畔。桃
花千葉。江梅綠萼。當不勝珠玉在側之感。而始
安山間。鄰葦連棘。風雨剝蝕。唐楊漢公詩。桂林
雲物晝漫漫。雨裏花開雨裏殘。蓋實錄云。

相思江五日

五日乙亥泊相思江二絕轉陸驚瀾砌壘降夷
歌半橋聽如瀧無端更折叢生艾偏向離人插
鬢雙輕舟謝豹響空山此日遙聞淚欲潛料得
驚心方繫臂相思江畔一停灣

生綃幽風圖

炎方氣溼蒸溽，毛孔汗漬，如置身在炊甑，頭面
都痠，雨過風柔，斯須涼秋，毯毳矣。薄晚曦落，月
纖光，炤籬壁，青筠琅然，空翠欲下，雞豚入苙，栖
埽，畊夫饁婦，剝瓜摘李，分明一幅生綃幽風圖。
代爲抹出，更殘露滴，單身孤枕，布衾猶離離寒
生也。張孝祥詩：一雨便清涼，風回百草香。雲山
米家畫，水竹輞川庄。僧賦蠲新帖，墻榛斬舊行。

歸鞞乘晚霽，空翠滿輕裝。是詩略得其槩矣。初

七日

相思埭

相思埭自蘇橋而下。經鵝湖灣。雒容縣。折而與
柳江合。激湍犇洪。既清且駛。而澄波亭渚。倒影
沈嵐。亦自不乏。兩岸山陂。陀輪委石。麓土膚涼。
烟奧草。隔水戎戎。青接昌黎玉簪。河東劍芒。從
桂林老饕來者。到此忽焉。斬絕。每勞雲木杪。淒
月江心。杜鵑群吼。鷓鴣對啼。哀思憂牢。不觸而
長。恍置身在湘江畔也。榜人曰。曩非連舫數十。

不得行豈非烟井稀落清迴孤人者乎十一日
辛巳

維洛浦

是夜維洛浦。澄江奩開。水天一色。月浸波底。如
青玉。盞貯瑠璃半規。仰睇。僂瞰林麓沙嶼。檣風
岸草。蟲鳴魚唼。與人語。啁嘈。一一。生動。盞中炎
歎。淡晝。至是彌爽。促枕卧。耽江清夜永。鷓首颯
颯寒動。露華深嚴。楫工覆以箬篷。膚粟立。不禁
也。宋葉夢得記張景修。常以九月望夜過錢塘。
與詩僧可久泛湖。露下葉間。蕤蕤有光。微風動。

湖。水。滉。漾。與。林。葉。相。射。可。久。清。癯。不。能。寒。索。衣。
無。有。以。空。米。囊。覆。其。背。自。謂。平。生。得。此。無。幾。作。
詩。紀。之。山。風。獵。獵。釀。寒。威。林。下。山。僧。見。亦。稀。怪。
得。題。詩。無。俗。語。十。年。肝。膈。湛。清。輝。余。知。無。夢。得。
地。非。明。聖。蕭。疎。散。寄。情。踪。若。一。爲。次。其。韻。露。華。
寒。重。割。霜。威。明。月。棹。頭。苧。正。稀。沁。得。詩。脾。澄。似。
水。夜。涼。荇。藻。共。餘。輝。

簡舊麓懷劉無文

十五日乙酉簡舊麓得劉無文帛書云余連年困阿瞞然其人癡忠可念也別之不忍又陶生扇頭書題壁句有未必將軍能揖客不堪孺子視留侯濁醪一斗生前醉駿骨千金死後酬孤朗儁潔緱山雀古澗泉差堪伯仲而投荒殊途託跡古德豪邁如羽侯亦聞爲僉人所排流離道路世無英雄遂使丈夫子俱爲衣食營營孤

艇荒烟不禁簌簌破腮矣。用子厚登柳州城樓
韻。浮家萬里此炎荒。日暮西流客思茫。虎豹盤
深。兔宅荆榛蔓長。女蘿墻石泉槐火頻驚夢。
月窟天根各斷腸。羽侯家梅谿月窟天根是其山名不盡繁心
澄浪裏青熒一烟便殊方。

楊用修

楊新都用修。成永昌日。選伎徵歌。私良家婦。褻
媠殊無人禮。晚寓瀘州。胡粉飾面。丫髻簪花。歌
吹昇九衢。恬不忸怩。年七十餘。以譏構滇撫。曷
檄四弁。銀鍤加頂。抵昆明。曷以墨敗。新都亦用
是不歸。旅櫬蕭寺。然博物洽聞。組織如天孫機。
錦珠貫玉立。真威寶也。余最愛其塞垣鷓鴣詞。
秦時明月玉弓懸。漢塞黃河錦帶連。都護羽書

飛瀚海。單于獵。火焰甘泉。鶯閨燕閣。年三五。馬
邑龍堆。路十千。誰起東山安石卧。爲君談笑靜
烽烟。懷歸詩。星橋南望沈犀渚。雪嶺西連抱珥
河。關塞渺茫。竟夢隔山川。迢遞別離多。汀洲春
雨。寒芳杜。茅屋秋風。帶女蘿。心事未從詹尹卜。
生涯聊聽僊童歌。及山遮延鷺。埃江繞畫烏亭。
等句。沈博雋永。邈不可追。輕世肆志。皆遷謫來
不得于君者之爲。烏足訾。十六日。

平泉記

李崖州平泉記。余鄉永叔嘗見而姍之。葉夢得因實以五代張全義爲其孫延古爭醒酒石筓殺監軍嫩。延古爲克家子而笑文饒之惑爲後人累也。余竊謂文饒達人不宜溺志若此。比讀其記曰。吾隨侍先太師忠公在外十四年。上會稽。探禹穴。歷楚澤。登巫山。游沅湘。望衡嶠。先公每維舟清眺。意有所感。必淒然遐想。屬目伊川。

常賦曰、龍門南去盡伊源、草樹人烟目所存、正
是北州黎棗熟、夢覓秋日到郊園、余心感是詩、
有退居伊雒之志、所謂經始平泉、追先志也、詩
曰、維桑與梓、必恭敬止、文饒豈拂經而行者、又
曰、鬻平泉者、非吾子孫也、以平泉一樹一石與
人者、非嘉子弟也、吾百歲後爲權勢所奪、則以
先人所命泣而告之、嗚呼、世祿廕仕、偉績鴻名、
李唐三百年、孰有如文饒者乎、而猶懼百年後

當路覲覲少年不更事子弟蕩覆彼萬不如文
饒者而欲得其一樹一石玩目娛志當不終朝
爲殘炤妻風味斯言棘針芒刺汗浹背如炙矣
穎川元姚尚書神道穹窿博厚豪家冀割三之
一以表墓州牧屬其割三之二曰吾欲使後人
復割者得中分而各材是固文饒言外意也曰
唯岸爲谷谷爲陵然後已文饒蔽或在此元凱
好身後名礪石銘功一豎峴首一沈漢淵遠希

異日變遷不可知之際。名不復芳。唐滋甚耶。醉
泉誌亭菱谿記石畫舫名齋永叔風流文藻後
先文饒獨其言約旨醇。感慨開發不牽情而玩
物斯爲尚耳。文人相輕自古而然。子桓蓋有味
乎其言之哉。十七日丁亥。

高崑

十八日登高崑。殊乏深秀之致。惟兩榕樹握可
盈把。亭亭孤立。穿罅而出。根垂崑底。葉聳雲巒。
高瞰低眸。同榦異本。本本銳而榦豐。罅實稱制。差
足娛人。崑石春日詩。二年白玉堂。揮翰供帖子。
風生起草臺。墨炤澄心紙。三年文昌省。拜賜近
天咫。紅蓼盼御盤。金幡裊宮藥。晚爲日南客。環
堵隱烏几。朝來聞擊鼓。土牛出虛市。幽懷不自

閑欲逐春事起。安得五畝園。種蔬引江水。宋鑄也。一曰白象嵩。曹能始誌。石鐘鼓擊之。鏗然。面過成窪矣。音亦不甚清越。

奏箋四絕

富行益增昏憤。放舟假寐。答響嶂千重矣。溫風
如醉。林巒一抹。卧念江州先生。壚頭爨下。夜雨
鐙前。詼奇舒雅。真隔世事。奏箋四絕。用識遠衷。
凋殘者舊幾家存。到處生涯一酒髡。怪得柔奴
偏解語。灘江不是買愁邨。竹房牢鎖是閒雲。閣
筆香添臉半醺。明月稻風肥鱖晚。一規艇子重
思君。石鼎彌明事杳然。涼窗半豁突生烟。蟬聲

客路青山裏。亦道團沙學。懶眠江邊垂柳舞。傞
那江上愁心賦。厭多珍重幅函無別寄。靈渠歷
盡又牂牁。江州余姓名心度。瑞昌人。原名朝相。
字君卜。

方棠陵

三百篇衝口而出、氣體音節、婉篤高亮、漢魏去
世不遠、風格沈邁、望古遙集、庶幾近之、休文煽
艷、李唐稱制、四韻五聲、彌工而拙、建安風力衰
矣、先民論次、最爲詳縝、然莊而不諧、事未易一
二爲流俗道、余最嬖方棠陵語、張崑崙山人曰、
君詩固嘉而鮮情實、如無山稱山、無水賦水、不
歡而鬯、弗戚而哀、情實安麗、答曰、風人婉辭託

物若文王之思后妃。豈必臨河洲見睢鳩耶。如
祖餞寧必攜百壺酒。而云清酒百壺。惟筭及蒲。
若據情實。老酒一瓶。豆腐麩。俱可與粘泥柳。
絮收入眉山夾袋矣。聞者殊深捧腹。棠陵名豪。
婆之開化人十九日。

僧圃

廿日卯酒蝮霧飯罷曦升流金爍石信步三百
弓得僧寮徑可里許槿籬繩扉豆棚瓜檻薯苗
薑本蔓引絲連離離蕤蕤加以高樹呼風修篁
引羽陟崇馭娑泓澄壁立劃玉流青誕倣小米
幾筆摺疊扇頭蠲塵滌囂莫此爲最緬想南北
園林歌樓舞榭狐嗥蛇蟠叢條豐棘窺雲蔽日
當不勝逝水興亡之感對此如行百里者憇木

陰遑問。榷梓之與。檉櫟也。處處如焚燎。陟崖尋
所。芟。墻頽石髮枯。徑仄蘿烟割。虬屈不加斤。軒
寮。厥半撥。中餘學圃僧。列時開眉豁。卷西匿朝
暎。來禽喧午聒。行聆爽籟生。駐數流雲遏。炎海
變清涼。斯須猶箭筈。長爲執熱人。睠此消煩渴。
目送埃塵斜。心懷天地濶。中原歌舞地。聞已盡
甌脫。

象州岩石

象州漢中溜地。榮陽鄭璠守象江三年，得怪石六，其三聳而上銳，又一如世間道士存思圖人肺胃肝腎次第縣絡，又一空而隱，外若瘦癯，殃疝病不好物者，又一色紺水而理平漫，彈之有好聲，計輦六石，費俸錢六十萬，還長安，無家，寄止人舍下。璠嗜好有意，極類前輩人。唐李義山記之。今州治荒荒，惡木灌莽，當砌而生，宵狸搏

人市虎夜號三五催租吏夷面烏語往來城闔
棹轉都泥渾流湍悍石橫波廉利伴劔戟舟上
下失勢破碎淪溺懾心悸魄昌黎序區冊陽山
天下之窮大都類此所謂白面山橫截江面鷺
鷺峽石若鐘鼓僅一瞭而逝官茲土者如人家
厮養卒救過奉公日不暇給又安有餘力窮搜
恣討伐土刊山斲此天然骨資好事者清供耶
廿一日

去婦詞

去婦詞。新月似儂眉。曾照虞山曲。清光一樣輝。
却被曉風促。縷帶同心夜。誓水盟何永。海風吹。
山立折膠在。俄頃姣好。繇君目。春風蕩靡草寒。
颺一夜生。收拾悔不早。莫採池上蓮。蓮下多污。
藕藕斷絲還牽。不似君情陡。新歡與舊歡。齊學。
慵來髻。待得柳絲垂。春光不搖曳。深閨夢亦好。
艇子牂牁畔。何處尋恩仇。似當忘美曼。南山張。

五十一
三十
網羅北山無免雀，但願美人顏。年年如紅藥膏，
沐欲何之。偷彈掩袖窄羅衣，任君解莫學臨邛。
客鸚鵡亦能言。隴山舊時鳥，愛是故鄉音。不逐
秦吉了，欲譜無哀絃。聲聲向君寫，疊作方勝兒。
聊寄鏡聽者廿二日。

有所思

蘆葉洲頭望草。蘆花叢裏縷如綿。平頭十五
誰家女。指是畝田燒野烟。嫣然一笑舊家東。却
怪登臨路又通。不是阿雛須記取。木棉花下艸
龍蔥。廿三日。

舟夜

蒼莽千山暗。寒風捲夕炎。冥眸無遠矚。獨影自
孤恬。宋久魚忘喙。機深鳥習潛。谿毛流澗古。石
齒齧波纖。斗酒澆愁壘。龕鐙想道鈴。不虞淵鏡
沒。只怯海涯淹。逝水悲文藻。頑峰憶巨尖。螭磁
非咫尺。相望一開奩。廿三夜。

舟曉

曙色分針芒，灘形似釜瓦。吹灰竹火青，劍飲江
流赭。衝搏沸春霆，飛翔奔陣馬。山腰百丈牽，石
窟一泓瀉。帆急括離弦，篙齊箭着把。時拋浴盎
盆，忽側傾杯筓。力竭星眸渾，筋疲雨汗灑。炎炎
來，炤誰擾擾胡爲者。廿四日。

來賓口號

巖嶽徒然山有骨。坡陀亦是地無毛。舟行盡日
惜炊火。到得嚴州又鬱陶。荒城下接都泥水。瓦
礮汲來怕上遲。老婦黃頭垂淚語。此間有虎君
須知。廿四夜。

都泥江

都泥江大類黃河，迅利亦相等。但彼沙此石，彼淤此渴。江心崖畔，萃隸岬峭。狂醫怒黨，一灘一丈。遷江在天半矣。元和郡國志，嚴州有長水，自牂牁流下。漢元鼎間，粵馳義侯遣別將發夜郎兵，浮牂牁卽此。今遷江而上，榜人無復問津。而水實渾濁，泥淖浣漱，炊爨俱無所資。舟行七日，疲悶欲死。惟兩石峽泉，可瓶儲飲。水口磚浮圖。

可遠眺轉江清泚流漸瀟裳煮茗當一劑苓朮
耳廿六日

陶企生

陶企生南州人。爽朗儁拔。擅詩。輟筆輒歌。歌極
哀哭。哭罷飲。飲醉又哭。岷峨道中讀楚詞流也。
貧游食邕管相遇。江色悲涼。時禽變語。人盡一
斗。余朗誦景純遊仙諸詩。企生不禁雙袖龍鍾
矣。賦以投之。行役爾何苦。時危生計感。畊蠶不
受廬。射獵非吾俗。擊竹含霜毫。思窮萬里目。炎
荒積潦蒸。吹氣多蟲蝮。地濶支流長。灘頑巉石

轟一朝失勢傾人百其奚贖幽涿秦淮東廣陵
阨縮轂界河開象星雕繪列紈縠緩頰樓君卿
五侯日轉軸君胡弗睠懷甘此嶠南曲附耳爲
余言始安舊邾廓高天未可攀羈縲等輿僕馬
齒日加增牛衣泣不足飛嫌羽翰衰坐見哀牢
顛險阻固傷心崎嶇從所欲側聞勾漏山葛令
留芳躅荷葉花田田寶圭洞黝綠諧之訪廣成
上有神仙屋玉砌金鋪輝鮮炊麟與鹿斯須碧

落窮蒼兕來相逐。白石爛如泥。不饑嘗辟穀。守
茲堅忍操。脫壤離凡鬪。姬滿盛驅馳。荒唐胡不
祿。道君五國徂。艮嶽餘樵牧。千載事悠悠。誰能
乘黃鵠。金沙鑄甚難。丹竈向何驚。俯仰盡悲涼。
乾坤一桎梏。龍鍾岐路旁。雙袖溼盈匊。余感斯
言哀。中懷怵更恧。天涯同寒修。相對各眸矚。把
酒君須歡。當筵莫待促。吹簫吳市中。三楚亡猿
逐。呼吸下齊城。崇臺燕豫築。爲肩火色人。曾舍

常何塾良會無愆期。遇窮安。余獨况兼文獻彫。
披駁鮮者宿。探測入淵沈。前修絕業續。流風煽
彌永。解味豈忘肉。大海何茫茫。喬松亦謾謾。但
看爨下灰。益信桑田夙。所以古賢羣。夜遊誠秉
燭。篋鏗不易希。乾竺忒遠欲。阮公求步兵。半爲
窮途哭。安得高陽池。日日枕糟麴。廿七日丁酉。

李依江

李依江，明淨簡潔。兩岸繁條覆柯，颭風帶雨，最
爲撩人。臨江石亦蒼灰古廉，曲枝老枿，膠翳盤
互，根屈紐如蛇蚓，大似江南家園子。匠心位置，
亡晶堆痕，水中沙嶼洲渚，一壑叢深。兩溪綠暗，
使春漲不涇。宜亭可榭，大倉三弁，徒楮墨侈雄
耳。灘濺激處，魚梁石磴，噴珠煮雪，類余鄉天柱。
皇恐諸險，攷江源，出賓之瑯琊鄉。流遷江，雜都

泥注柳古融州商舶率于此出。水清徹發茗亭。
午恨温都泥濁而寒冽。滲骨日中不徙。源深流
杳。是一徵也。岸多紫葡萄。恨小。廿八日。

畚寮

晦日小憇畚寮。急雨縣流。茅屋破壓。炊烟縷縷。
鬱塗茨如嵐。竹颺田颺。濡尾甌史。竄溷園敗。篁
中撲索有聲。狼家利朶。願也挾鋤出之。獲颺三
颺。二蛙十有九。最後得烏殼皮楮冊一。閨閣鍼
紉物無疑。汜爛磨滅不堪讀。堪讀者。率唐宋歌
行小詞。村學究兔園對黃蓋者。獨虞美人草。鴻
門玉斗紛如雪。十萬降兵夜流血。咸陽宮殿三

月紅霸業已隨烟燼滅。剛彊必死仁義王。陰陵
失道非天亡。英雄本學萬人敵。何用屑屑悲紅
妝。三軍散盡旌旗倒。玉帳佳人座中老。香魂夜
逐劍光輝。青血化爲原上草。芳心寂寞寄寒枝。
舊曲聞來似斂眉。哀怨徘徊愁不語。恰如初聽
楚歌時。滔滔逝水流今古。漢楚興亡兩抔土。當
年遺事久成空。慷慨尊前爲誰舞。下刻子固作
王孝威曰。子固素無詩。朽壤敗楨。忽出芝菌。當

急浮白相對。余復之曰。子固非無詩。然此趙宋時曾子宜魏夫人詞也。豈空唐突南豐。九京有知。益令巾幗羞人。或曰馬子才作。

江漲

舟行炎甚。銅澡器汗漬欲滴。食鼎亦然。登岸僦
邸舍。礎溼砥潤。是夜月離畢耗。雨將微矣。已而
雨。江暴漲三日。成二十韻。礎溼金精裂。星昏月
影躔。長河沒鰲日。老樹栖寒烟。雪颯聲隨谷。潺
湲響落田。初飄疑彈瓦。乍注可流船。萬壑齊趨
淺。一泓忽長漩。輿沙衝浪捲。輦石逐涯旋。蛙蚓
迷深壤。蠨蛛失故栓。輪轟砦石轟。毬點沫泡圓。

銀陌疑歆瀉。雲根想綴縣。懷山峰斂鑿。包隴陸
成淵。野市營巒岫。畚獠理釣筌。浮槎木杪寄。枯
枿石椿穿。斷梗來千嶂。悽航領百川。望中孤嶼
細。天末浩波玄。薄霧徵炎潦。重霾積水澌。時聞
泉汨汨。不見草芊芊。衣履飛蟲集。荆榛泥翳纏。
怒濤驚似霰。歸艇疾如弦。暝色含秋老。波光漾
雪鮮。龍宮何日宋。客路傍雲騫。六月庚子朔日。

石牛墟口號

宗冥兼旬獨黑甜。孤航又是雨廉纖。平橈落處
齊聲笑。開看前村一酒帘。榕陰千葉是高檐。野
市初開突未黔。小婦當壚郎拍語。山深足雨懶
腰鎌。初二日。

寶元西事

劇盜之毒無如宛胸黃巢割剝幅夏備載唐史
宋景祐中張吳兩狂生亦累舉進士不第留覽
塞垣有經略西鄙意將謁韓范恥自屈乃礮大
石刻詩其上驅壯夫曳于通衢與姚嗣宗尾後
哭之冀以鼓動二帥已如召見躊躇未用間兩
生徑走西夏小范急騎追之不及乃表姚入幕
府張吳居湟中自念不出奇無以動衆因就都

門酒家飲引筆畫屋曰張元吳昊來醉此樓爲
邏者所執夏酋詰以義大呼曰姓尚不理會乃
理會名耶時曩霄尚名元昊兼用中朝賜姓故
也自是竦然異之尋尊寵用事實元西事蓋始
此張咏雪詩有戰死玉龍三十萬敗鱗風捲滿
天飛吳鸚鵡詩好着金籠收拾取莫教飛去別
人家姚嗣宗書空同山寺南粵干戈未息肩五
原金鼓又轟天空同山叟笑無語飽聽松聲春

晝眠。又咏女奴。弱骨不堪春睡眼。壯心都死欲
愁眉。兇圖狡筭。肯稿項黃馘。坐老登窗。與兒曹
共此白眼青天。而姚僅一知潯州。史稱其能除
虎暴。張吳竟爲西夏謀主。網掣鉤疎。韓范不免。
千古肉食者鄙。何足論。余秣陵詞。秣膏固土石
磨稜地。濶江盤樓榭。層清嘯無人。乘月好一聲。
笳鼓自騫崩。西湖縱酒異雲天。躡足胡床龍鳳
年。百二空傳京峴道。紛紛青蓋紫濛邊。六月六

日

榻崑石

桂柳石屋差峩，壁立處多黥。王初寮書，初寮諱安中，有文章名。始師東坡，既諂附元長，建炎間避地家柳，築舍植桃花，亘百千樹，日賦詩其下。余縛馱甌山，縱躡駕雀立魚諸峰，雲蘿刺藤，叫窾深黥，迴磴複曲，砢砢攫搏，令人慨然有遺蛻之想。而婚嫁未畢，策杖難期，一律聊紀其事。若唐戴叔倫，羈魂已愁絕，不復待哀猿，鬱拂羈窮。

兒女情深。風雲氣短。無復山水性命矣。初八日。
突兀巒峰。割華尖。寒藤撩撲。棘針巖。磨崖有字。
猜光化。刻石何人紀。建炎却老曾。無千歲慮。投
閒。又是幾年淹。徘徊絕巘。凭江水。蘆竹風輕。潔
鳥恬。

古漏泉

遐方癘嶺不習鬪茶。釐大如枇杷葉。味苦若茶。奄藏鬻廣肇諸郡。頽汗霑注。貴家啖豆汁。或野葛湯。室吻螫腹。俗以爲常。去金雞山二十里。古漏泉最發茗。而菘吟不備。余與亦文踞石連啜。喉潤脾枯。終莫能解。亦文曰。余鄉錫泉。活火纖芽。臨風鬪呷。真令酒盞欲疎。余哂曰。五濁世界。清福豈容易消受。唐陸鴻漸著茶經。有誇之李。

監督座上季卿促召入羽野服操具進淪畢命
青衣吏取錢三十文酬羽羽愧之更著毀茶論
亦文大爲軒渠曰若此不惜與酪作奴矣爲拈
二絕古漏山前焰欲焚青瓷注水瘦瓢分涼陰
一覺羲皇去饒博監州三十文赤血如塗丹嶂
枯古苔溜玉落山膚連剝吻潤脾猶燥誰說靈
芽是酪奴十一日庚戌

東劉州牧

賓故領方邑。登城四眺平。楚數十里。水田瀼瀼。
榕陰荔奴。綠垂黛接。夏汭劉放雲守。是州不待。
秋風。輒思尊鱸。文藻風流。見一斑矣。爲賦四咏。
黃鵠。磬頭作賦才。不辭天末吏。南陔印床花落。
餘尊味。譙鼓風清。任酒杯一葉思深。樊口去三。
刀。夢錯領方來。陶家門柳年年綠。好傷瓜圻仔。
細裁十四日癸丑。

馬風篁

馬風篁守思恩妾紺眉年十七死子德輿九齡
兼二經無疾繼殤風篁東余咸歡以南螯毒昏
霾飛鳶鳥也跼跼墮水人壽幾何金石非永中
州甜棗佳瓜行足怡性戀戀雞肋誠恐寶圭丹
砂不駐顏矣余報之宋朱弁記五嶠山水最葩
更饒異產說似中州人輒輦感以霧潦十往七
一二返者東坡答參寥雖居炎瘴幸亡所苦京

師國醫手裏死漢甚多勾吳裸袒季札子游後
文藻風流孰與京者爲恨風篁力不敵言偃牛
耳兼郵二絕以澄溺懷舊事因緣非偶然中黃
何藥可留堅童烏亦食岷峨水不伴楊雄寂寞
年騰馥無多枕簟涼蛩啾夜火泣龍荒玉鈎斜
畔人如土曾憶當年是洛陽十六日風篁名筠
修盧氏人

君臣魚藻

宋祚之盛，君臣魚藻，珥筆繹繭，賞重玉除，如夏
英公竦山勢，蜂腰斷溪流，燕尾分李文，靖袖之
進呈，遽轉右階，宋景文道逢內家車子，褰簾者
曰：小宋也。亟歸填鷓鴣天。劉郎已恨蓬山遠，更
隔蓬山幾萬重。七甚警倩，而詞傳禁籞。仁宗問
第幾車子，宮人自陳前侍宴，見宣學士，闈人曰：
小宋也。頃車中接顏，偶一呼耳。促召子京，嘯曰：

蓬山不遠今以相貽。又王漢謀奇有聲場屋客。
李文定家文定薨仁宗哭臨見屏上詩有鴈聲
不到歌樓上。秋色偏欺客路中。賞譽久之立召
見許赴殿試。漢謀竟登第。王岐公禹玉中秋入
直神宗賜坐掖母下拜。勅嬪御各取巾裙扇帕
索題詩成進御云。須與學士潤筆。珠花壓帽簷
不勝納袍袖中滿。漏盡輟金蓮燭送歸院。都下
盛傳天子請客。又一日經筵從容謂侍臣曰。頃

讀司馬光昭君詞佳甚。宮門銅環雙獸面。回首
何時復來見。自嗟不若住巫山。布袖蒿簪嫁鄉
縣。念之令人悽然。呂惠卿因進曰。陛下深居九
重。何繇得見。此詩不無深意。神宗曰。是四句有
何深意。監安上門鄭俠被逮。株平日往還好者
悉詔獄。得晏叔原與俠詩。小白長紅又滿枝。築
毬場外獨支頤。春風自是人間客。主管繁華得
幾時。擊節至再。有詔令釋出。子瞻繫臺獄。幾中

不測寄弟子由，有是處青山可埋骨。他年夜雨獨傷神，與君世世爲兄弟，更結來生未了因。神宗見而憐之，謫黃州團練副使。既而大醉，填水調歌頭，明月幾時有，把酒問青天，不知天上宮闕今夕是何年。我欲乘風歸去，惟恐瓊樓玉宇高處不勝寒。神宗讀至此，曰：蘇軾終是愛君。乃量移汝州。又徵宗灑翰，有選餽朝來不喜餐，御廚空費八珍盤。適思倦，促能吟續之。左右以太

學生某進上。顧曰：朝來不解餐，必惡阻也。生援筆，人間有味俱嘗遍，只許江梅一點酸。道君拍案稱絕。會策士，未奏名，竟賜登第之數。君子者，司馬君實、景文、眉山輩，名地位望，遇主動君，真不愧公等安在。何相見晚之譽。王奇太學生某，去布衣何幾，而垂拱盛平之天子，隆文異數，捧腹加額，何驟也。倘生崇禎時，執政未免以秀才監生擯之矣。余邑羅文恭有言：劉闢、劉豫皆進

士也。旨哉。廿日巳未。

賣冰謠

秋前一日辛未壽昌劉放雲飛觥夜集曰余樊湖風有明詩選一書十載捷門眼光穿紙獨古樂府不容易得五七言近體李唐遠不逮也黃劬菴澍校楚亦首重樂府得手處每自矜狂喜過望不示人課士南嘉出賣冰謠命題自課得十二錄一章三百里寄余此變體也託寄道上迄不可解余曰栢梁瓠子解寧足以盡其寄哉

因大噓探筭急與余剪鐙讀之冰耶食上客耶
水之骨雪之奴耶西邊者貴東邊者賤耶貪者
與耶否耶一尺布一斗粟五銖錢耶蹴爾而與
之耶冰耶山耶殺犬取血而祭之頽耶剖而食
之甘蜜耶儉者不取耶屠赤龍以爲蝦耶亂曰
我爲我不道賣不可懂懂長安熱如火江南尚
有楊梅果

譚友夏

詩歸譚友夏末年頗非其選存者僅十之四謂樂府屬筆精嚴初盛半之中晚退菴亦有倦心矣瑯琊歷下七才不可多及放言立論實實我輩火候未到非故作英雄欺人也以語劉天孫如此因出其題扇展玩寒河變手入微可想見矣詩四首楷行草八分各一骨態增極其妙寄唐堯臣集所弗載遂使襄樊異新貽浹深篇野

人雙眼福雪夜寸心緣不斷胡床篔相遭海水

絃韻流風義古、簞笠徑堪前

閱唐堯臣太守詩訖寄之

草屨

乖吳市柴門選画溪教余清夢迴亦在越天西

僻有僧知處閒無鳥亂啼芳菲驅使賤覓句只

端倪

寄徐元嘆于卷兩溪

波瀾此一謫我愛獨殊常是夢

驚初醒如秋喜乍涼廬高吟到頂楚穩酒盈航

許爾遷稱客君恩不瘴鄉

送王六瑞左官豫章

賴共深更

惜別觴中流亂石近舟涼鐘聲依水不依岸間

有孤吟與短長，壬申正月廿二夜，同天孫水宿
龍蟠磯邊，因書前三體附錄之。

七月七日

擅樂府者勝固漢魏劣亦不失唐五七言近體
大曆貞元而下無足道今操觚家未踰總帥輒
窺休文體先弱風斯微矣余深慙其語下捷寂
思獨氣往來曹鄴之桐樹心孤易感秋騷屑無
方勇泐數章爰以撫時事而貞性情匪敢曰長
歌可當泣也七月七日

思悲翁

思悲翁十七紀。大國珍珠小國白雉皮。服海邦。
輪。楛。矢。東。井。狼。高。西。極。昏。匣。中。尺。鐵。吼。而。溫。饑。
烏。啄。肉。城。上。飡。雀。飛。淮。岬。鹿。遊。河。溷。有。距。不。張。
角。不。犄。鳳。凰。斂。兮。麒。麟。死。分。得。麟。血。未。哺。羹。盧。
龍。蹠。躐。塵。渾。起。馬。蹏。踏。破。桑。乾。水。入。門。者。誰。驚。
爾。爾。何。如。歸。去。刑。牲。伐。鼓。祭。好。時。穆。滿。亡。後。無。
駮。駮。

艾如張

山壓光羽聲落射雲平。兔起搏寒蓬，戟葦踏莎。
輕松漠榆關舊牧城。秋翰冬毳，惜翎翮，雌肉飽。
兒強勇，肌朔風吹入蘆溝獵。西盡交河南，筇笮。
小姑鳴箏大姑語，筋鬆角解驅田鼠。

戰城南

戰城南，浴血立威尊。命賤鑿凶門，刈甲如菅馬。
耳澱聚斂，愚魂供一擲。高闕版圖猶未入，春明。
亦愛良家子，今日不戰。明日君王死，鼓聲烈羽。

節麾弓燥手柔。抉背洞胸刮若錐。天造草昧闡
如此。金縢社稷將軍魚腸鐵。驄識妖姬天子神。
聖卿士。嗚嘻。猴獮不來蒙熊皮。捉刀萬里胡爾
爲。戰城南。過城北。塹山堙。谷空築尸。長頸烏喙。
徒懷千歲癡。

巫山高

澹。綠。三。巴。水。清。斯。濯。蠱。根。美。人。峰。頂。嘯。誰。識。襄。
王。恩。懶。雲。難。工。態。雨。落。半。山。痕。雲。雨。典。能。獨。耻。

竝群嶽言。文士輕柔腕。裁空擅立論。瘦腰寧餓死。楚宮幾黃昏。不列燔柴望。孤潔信自尊。

秋夜放歌

溼氣高涼天尺咫。穹河影浪秋如水。心孤本是瘴鄉客。風動寒催膚粟起。野人飴藿不蓄旨。雙瞳絕越沼海墳。嶽齊規殿絕塞樊桐平。似几長白渺峰。蹠如砥胡爲蕭瑟日南。妻梅子雀寒澗古烟徒栖倚。青羊出李耳死。柱下五千言濡血。

誰用七狀貌好女。椎羸蹙項結角里。高安丞簿。先漢後周同敗。臬帝師彼亦偶然。名君不看廣漢。蔬畦桐江。沚草屨羊裘。曾獨喜殺青銘鼎。紛紛爲體貌衰。今日月徙。衣毳拾簪。千古爾爾黃虞。匹夫禹周豎子。七十二代登封。何堪數况區區。虺鬪狐嗥之廿一史。涼飈慄骨生。吹入砌蟲耳。軋軋聲鳴聞月姊。单雄寡雌各巢止。唾壺擊碎深余耻。安得祖龍坑。燼然燒却閩風層城玉。

樓十二盡傾圯。安期棗瘦。子晉簫毀。弱水不隔。
蓬首虎齒。招劉徹。拍姬滿。蟠木渤碣。火蠶儋耳。
大漠北界。西河汎。穰穰不求塚壘壘。

初八日丁亥

初八日丁亥，賓城空，聞其無人，筮易得同人先
號咷而後笑，索騎亡矣，手是冊竄。